

Д о н ъ у г а б о л с н а а ш

Э л с т балгъсна «Страна Советов» колхозин 4-ч номер-тә фермд ирджәх хальмг өрк-бүлмүд колхозин көдлмшт шунмгъагъар орлцджацхана. Ода ут-туршдан 50-60 өрк-бүл энүнд бәәршдж, зәрмснь бийстан гермүд бәрджәцхәнә.

Эн гермүд бәрджәх улст, «Страна Советов» колхозин гардачнр оньган өгәд, аль болв чигн тосхлтин материалар болн көлгәр теткджәсн болхла, адг ядхдан гериннь улинь чолугъар, орагъинь

шифрәр бүркдж авцхах бәәс-мн.

Гардачнрин оньг тату болсн учрар, негдвәр болхла, ул уга, хойрдвар болхла орань нимгн шахата хулсар оралгдсн учрар эн гермүд хурта-чиигтә хавр, намрин өдрмүдт шавр улмуднь чиигтәрдж урсад, орагъасн ивтрәд дусал дусдж әәмшг үзүлнә.

Эн гермүдиг болн деернь немгдәд шинәс бәргдх гермүдин ул чолугъар, орагъинь шифрәр оралх аргъинь хәәх кергтә.

ОВШИН Баснь.